



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola LVII. Alexandri Papae III. Ad VVilhelmvm Regem Scotiae. Mandat ei
vt Ioannem legitime electum & confirmatum sancti Andreae episcopum
patiatur suo officio quiete fungi, alioquin regnum ...

urn:nbn:de:hbz:466:1-15588

fretus, astrinxit. Ipse tamen in arrogantiæ malo perdurans, in nullo præfati legati monitis acquieuit. Nos itaque sententiam de auctoritate nostra prolatam ratam habentes, vniuersitati vestræ per apostolica scripta manda-mus atque præcipimus, quatenus præfatum Hugonem, Dei gratia freti, & omni timore postposito, publice, nullius appellatione obstante, vinculo denuntietis excom-municationis astricatum, & sicut excommunicatum atten-tius evitatis, donec quæ de supradictis rebus abstulit, vel æstimationem fratri nostro Ioanni episcopo sancti Andreæ, & ecclesiæ suæ restituat, & de aliis quæ destruxit sa-tisfactionem exhibeat congruentem.

EPISTOLA LVII.

ALEXANDRI PAPÆ III.

AD VVILIELMVVM REGEM SCOTIÆ.

Mandate ei vt Ioannem legitime electum & confirmatum sancti Andreæ episcopum patiatur suo officio quiete fungi, alioquin regnum interdicto, regem excommu-nicatione plectendum.

Alexander episcopus seruus seruorum Dei Vvilielmo illustri Scotorum regi salutem & apostolicam benedictionem.

PRO pace tua & libertate solicite nos meminimus la-borasle, sperantes quod ex hoc in deuotione sedis apostolicæ melius firmareris, & cresceres, & libentius ser-uares ecclesiasticam libertatem. Ceterum attendentes cir-ca factum venerabilis fratri nostri Ioannis episcopi sancti Andreæ de Scotia, quod nolueris usque modo inclinari: contrarium spei, quam de feroore deuotionis regiæ habe-bamus, cogimur æstimare. Volentes tamen experiri adhuc si patientia nostra ad poenitentiam regium motum addu-cat, magnitudinem tuam per apostolica scripta monemus atten-tius, & mandamus, quatenus memorato episcopo infra viginti dies post harum susceptionem literarum pacem & securitatem largiaris; ita quod non oporteat eum de indignatione regia dubitare. Alioquin noueris, nos venerabili fratri nostro Rogero Eboracensi archiepiscopo apo-stolicæ sedis legato in Scotia mandasse, vt regnum tuum,

Concil. Tom. 27.

Rr

nullius appellatione obstante, subiiciat interdicto, excommunicationis sententiam in personam tuam, si desistere nolueris, prolaturus. Pro certo quoque teneas, quod si in tua duxeris violentia perdurandum, sicut laborauimus ut regnum tuum libertatem haberet, sic dabimus studium ut in pristinam subiectiōnem reuertatur.

EPISTOLA LVIII.

ALEXANDRI PAPÆ III.

AD CASIMIRVM DVCEM POLONIÆ.

Nonnullas constitutiones circa bona ecclesiæ editas confirmat.

Alexander episcopus seruus seruorum Dei dilecto filio nobili viro Casimiro duci Poloniæ salutem & apostolicam benedictionem.

Ex parte tuæ magnitudinis relatum est nobis, quod de confilio archiepiscopi, & episcoporum Poloniæ, & principum terræ, quasdam abusiones, & solitas iniurias ab ecclesiis & personis ecclesiasticis amputasti, constituens ne bona decendentium episcoporum amplius confiscarentur. Constitutum est etiam, ut si quispiam in res defuncti episcopi manus coniecerit, vinculo anathematis teneatur. Nec præsumat ullus raptorum defuncto episcopo succedere, donec absolutionis beneficium assequatur, ablatis restitutis, vel ablatorum congrua estimatione præmissa; consuetudinem autem, quæ a principibus terræ seruabatur, videlicet, ut quocumque pergerent pompatice, inuadentes horrea pauperum euacuarent, & si inter absentes aliquid negotioli quandoque contingeret, impii satellites discurrentes, raptos quoscumque caballos vel eneruarent in cursu, vel omnino destruerent, de ecclesiasticorum & sæcularium virorum consilio emendasti. Vnde quoniam constitutionem tuam iustum pariter & honestam auctoritate nostra postulas confirmari, nos iustis postulationibus annuentes, constitutionem præscriptam, sicut in scripto authentico super hoc factò habetur, auctoritate apostolica confirmamus, & præsentis scripti patrocinio communimus, sub interminatione anathematis prohibentes,